



Broj: 02/06-04-012901-6-2/25

Datum: 24.06.2025. godine

Na osnovu člana 70. stav 1) Zakona o javnim nabavkama („Sl. glasnik BiH“, br. 39/14, 59/22 i 50/24), Sekretar Ureda za zajedničke poslove kantonalnih organa, donosi:

### **ODLUKU o izboru najpovoljnijeg ponuđača LOT 2**

#### **Član 1.**

Prihvata se preporuka Komisije za javnu nabavku iz Zapisnika o ocjeni ponuda broj: 02/06-04-012901-5-2/25 od 18.06.2025. godine u postupku javne nabavke i isporuke energenata za zagrijavanje prostorija (LOT 2 –ugalj, te se kao najpovoljniji ponuđač bira **„Harmeli“ d.o.o. Banovići**, ponuda broj: 239/25 od 12.06.2025. godine za ponudenu cijenu od 589.400,00 KM (bez PDV-a) nakon održane e-aukcije.

#### **Član 2.**

Ponude ponuđača „LD Company“ i „Lumberjack“ d.o.o. su odbačene kao nepravilne u skladu sa članom 68. stav (4) tačka i) Zakona o javnim nabavkama, jer nisu potpune i ne ispunjavaju zahtjeve iz tenderske dokumentacije.

#### **Član 3.**

Ukoliko se ispune svi uslovi propisani Zakonom o javnim nabavkama BiH, okvirni sporazum će se dostaviti na potpis izabranom ponuđaču po proteku roka od 15 dana, računajući od dana prijema odluke ugovornog organa o izboru najpovoljnijeg ponuđača. Okvirni sporazum se zaključuje na period od 12 mjeseci.

#### **Član 4.**

Ova odluka stupa na snagu danom donošenja.

### **Obrazloženje**

Postupak javne nabavke pokrenut je Odlukom o pokretanju postupka nabavke broj: 02/06-04-012901/25 od 29.04.2025. godine

Javna nabavka je provedena putem otvorenog postupka. Izbor ponuđača izvršen je na osnovu kriterija najniža cijena.

Procijenjena vrijednost javne nabavke za LOT 2 bila je 632.500,00 KM (bez PDV-a). Obavještenje o nabavci broj: 1116-1-1-16-3-32/25

Objavljeno obavještenje o nabavci na portalu javnih nabavki dana: 30.04.2025. godine

Komisija za javnu nabavku imenovana izvršila je otvaranje ponuda dana 18.06.2025. godine.

Nakon izvršenog vrednovanja, Komisija je ugovornom organu dostavila Zapisnik o ocjeni ponuda broj: 02/06-04-012901-5-2/25 od 18.06.2025. godine, koji ujedno predstavlja preporuku o izboru najpovoljnijeg ponuđača kao i izvještaj o radu komisije, u postupku predmetne javne nabavke.

Iz Zapisnika o ocjeni je utvrđeno da je Komisija za javnu nabavku blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri);
- da su blagovremeno zaprimljene 4 (četiri) ponude;
- da nema neblagovremeno zaprimljenih ponuda;
- da su ponude ponuđača, „Harmeli“ d.o.o. Banovići i „Erax-Invest“ d.o.o. Banovići prihvatljive i ispunjavaju sve uslove i zahtjeve iz tenderske dokumentacije.
- da su ponude ponuđača „LD Company“ d.o.o. i „Lumberjack“ d.o.o. Sarajevo nepravilne, u vezi s čim su odbačene, jer ne ispunjavaju uslove iz tenderske dokumentacije.

Ponuđač „LD Company d.o.o.“ je dostavio ponudu broj:16-06/25 od 16.06.2025. godine za LOT 2, koja nije u skladu sa tačkom 15.3 Tenderske dokumentacije, gdje je navedeno:

*„ Ponuda se čvrsto uvezuje na način da se onemogućí naknadno vađenje ili umetanje listova. Original i kopija ponude trebaju biti otkucani ili napisani neizbrisivom tintom. Svi listovi ponude moraju biti čvrsto uvezani sa numerisanim stranicama. Bitno je istaći da je suština čvrstog uvezivanja ponuda da se pokuša osigurati da se ponuda ne „rasipa“ odnosno da se stranice ponude ne mogu izvlačiti ili mijenjati. U skladu sa stavom Agencije za javne nabavke BiH pod čvrstim uvezom podrazumijeva se ponuda ukoričena u knjigu ili ponuda osigurana jamstvenikom. Pod čvrstim uvezom se ne podrazumijeva uvez spiralno, ponuda dostavljena u plastičnoj fascikli, uvezana klamERICOM ili neki sličan način koji omogućava nesmentano mijenjanje stranice ponude. U slučaju da ponuđač uveže ponudu na jedan od navedenih načina, uvez mora biti dodatno osiguran jamstvenikom. Što se tiče kopija ponude, navedene trebaju biti uvezane na način da osiguravaju da se listovi ponude ne rasipaju (kao što je naprijed navedeno) te obzirom da se radi o kopiji ponude nije potrebno osiguranje jamstvenikom. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova“.* Naime, navedeni ponuđač je dostavio ponudu koja nije čvrsto uvezana, već je uvezana spiralnim uvezom i nije osigurana jamstvenikom na pravilan način. Jamstvenikom su obuhvaćene samo pojedine stranice ponude koje se odnose na Aneks II, a što omogućava rasipanje ponude, kao i izvlačenje stranica iz ponude, što nije u skladu sa uvjetima iz tenderske dokumentacije, kao ni sa članom 8. Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15).

Uvidom u ponudu navedenog ponuđača ustanovljeno je da Garancija za ozbiljnost nije upakovana na propisan način, kako je definirano tačkom 26.5 Tenderske dokumentacije kako slijedi: **„Garancija za ozbiljnost ponude se dostavlja u originalu, u zatvorenoj plastičnoj foliji (koja se npr. na vrhu zalijepi naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za ozbiljnost ponude nije dostavljena na propisan način, ugovorni organ će takvu ponudu odbaciti.“** Isti navodi propisani su i Pravilnikom o formi garancije za ozbiljnost ponude i izvršenje ugovora („Službeni glasnik BiH“, broj 90/14), u članu 3. stav 1. i 3. Garancija za ozbiljnost ponude navedenog ponuđača dostavljena je u plastičnoj foliji koja nije zatvorena, niti je na vrhu zalijepljena naljepnicom sa pečatom ponuđača, niti je otvor na foliji zatvoren jamstvenikom, niti je na mjesto vezivanja zalijepljena naljepnica sa otisnutim pečatom ponuđača. Uzimajući u obzir prethodno navedeno, ponuda se odbacuje kao nepravilna.

Ponuđač Lumberjack d.o.o. u ponudi broj: 049-2/25 od 18.06.2025. godine nije dostavio Izjavu o ispunjenosti uslova iz člana 45. stav (1) tačaka a do d) Zakona o javnim nabavkama, kao ni Izjavu iz člana 52. Zakona o javnim nabavkama, što nije u skladu sa tačkom 15.8

tenderske dokumentacije, gdje se navodi da: "je za svaki LOT obavezna dostava ponude posebno. U slučaju da jedan ponuđač dostavi ponude za više LOT-ova može traženu dokumentaciju, koja se odnosi na uslove za učešće iz tačke 13.1 a) i 13.1 b) ove tenderske dokumentacije, dostaviti uz ponudu za najniži redni broj LOT-a (npr ako se ponuda dostavlja za LOT 1 i LOT 2 i LOT 3, dokumentaciju iz tačke 13.1 a) i b) dostaviti uz ponudu za LOT 1) ili uz svaki LOT posebno. Ostali dokumenti koji se tiču ponuda za pojedini LOT, moraju se dostaviti u ponudi za taj LOT." Budući da se navedene Izjave odnose na uslove za kvalifikaciju iz tačke 12. tenderske dokumentacije, ponuđač je bio u obavezi ove dokumente dostaviti u ponudi za svaki LOT. Uzimajući u obzir prethodno navedeno, ponuda se odbacuje kao nepravilna.

Obzirom da je održavanje e-aukcije bilo predviđeno tenderskom dokumentacijom, Komisija je zakazala e-aukcije dana 23.06.2025.godine u 09:00 sati.

Nakon što je na portalu javnih nabavki kreiran Izvještaj o toku i završetku e-aukcije, kreirana je i konačna rang lista ponuđača, koji su učestvovali na e-aukciji, prema kriteriju najniže ponudene cijene:

| Redni broj | Naziv ponuđača                | Konačna cijena u KM (bez PDV-a) |
|------------|-------------------------------|---------------------------------|
| 1          | „Harmeli“ d.o.o. Banovići     | 589.400,00                      |
| 2          | „Erax-Invest“ d.o.o. Banovići | 589.410,00                      |

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, da su ponude ponuđača „LD Company“ d.o.o. i „Lumberjack“ d.o.o“ odbačene kao nepravilne u skladu sa članom 68. stav (4) tačka i) Zakona o javnim nabavkama, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Ugovorni organ će ukoliko se ispune svi propisani uslovi Zakona o javnim nabavkama okvirni sporazum će se dostaviti i dodijeliti okvirni sporazum ponuđaču „Harmeli“ d.o.o. Banovići, čija je ponuda ocijenjena kao najpovoljnija u skladu sa kriterijem za dodjelu ugovora –najniža cijena, te je odlučeno kao u članu 1. dispozitiva ove Odluke.

#### POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



Za SEKRETAR a

*Zdenka Marijanović*

Zdenka Marijanović, dipl. pravnik

Dostaviti:

- „Harmeli“ d.o.o. Banovići
- „Erax-Invest“ d.o.o. Banovići
- „Lumberjack“ d.o.o. Sarajevo
- „LD Company“ d.o.o.
- a/a